

## 第八章 地方團體

### 第一節 商會

商會爲商人所組織之團體。在海口者有海口總商會。於光緒三十年成立。初名海口商會。民國八年改組爲總商會。會宇宏大。入會商店四百餘間。內設正副會長各一人。會董四十人。特別會董八人。文牘一人。書記二人。會記庶務各一人。每月經常費四百元。征收會費分三等。一等年納八元。二等六元。三等四元。其在各縣者。有清瀾商會。樂會商會。萬甯商會。新墩北四商會。（會在昌江。由新街墩頭北黎四更四處商家所組織。）

### 第二節 商民協會

近年各縣市商民新組織之團體。有商民協會。直隸於省商民協會。就近受縣市黨部監督。海口市商民協會。於民國十四年冬成立。由海口十一行商民共同組織。各行推舉一人爲執行委員。由執委互選三人爲常務委員。協會之下分設十行分會。卽布疋雜貨行。五金找換行。牛皮九八行。海味乾菜行。藥材。書籍。紙紮行。船務。旅店。酒樓行。木料行。生豬行。生牛行。米穀行。南北行等。協會每月經費約百元。由各分會分担。另征收月費由二角至四角不等。以六成充分會經費。三成充市協會經費。一成繳充省協會經費。其餘縣商民協會。有瓊山儋縣臨高澄邁等縣。均於民國十五年間先後設立。

## 第三節 教育會

本島縣教育會。除瓊山外。其餘各縣設立者甚少。瓊山教育會。于民國十年六月成立。十七年四月遵大學院公佈教育會條例。改組爲委員制。計執行委員十二人。由執委互選三人爲常務委員。計有會員六十五人。入會費每人一元。年納會費二角。另由瓊山縣公署支給毫洋五十元爲經常費。近將會所重新建造。氣象一新。書籍雜誌。分室庋藏。公開瀏覽。庭園花草。點綴清雅。閱書報者甚衆。該會近又與瓊山縣教育局及黨部合組瓊山縣平民教育委員會。附設平民學校。以期教育普及。各鄉區依照組成者。有一百九十餘間。對於社會教育事業倡辦亦多。尚有相當成績。

## 第四節 地方財政管理委員會

此會由南區善後公署。根據十七年九月北海地方行政會議。關於各縣市地方款收支一案之議決。組織地方財政管理委員會。共同管理。制定簡章。通令區內各縣市遵照組織。是年全島十三縣皆先後成立。是亦有當於財政公開之義也。茲將簡章附載如下。

### 南區各縣市地方財政管理委員會簡章

第一條。本委員會受縣長之監督。掌理全縣地方款之收支及保管事宜。等二條。本委員會以縣署代表爲當然委員。并由縣署召集左列各團體代表開會。互選二人至四人。共同組織之。除當選者外。另擇票數次多者二人至三人。爲候補委員。(一)縣黨部代表一人。(二)縣教育會代表一人。(三)縣實業團體代表一人。(四)警衛保甲縣管理委員會及區管理委員會代表各一人。其未辦警衛隊之縣。則由保甲各團合選四人爲代表。各團體代表。須經各該團體先行開會票選。并給

予當選證明書。方得出席代表會。第三條。本委員會主席。由各委員互選一人充任之。第四條。本委員會委員。除當然委員外。以一年為任期。但未滿任期有失職情事者。縣長得撤換之。前項未滿任期而被撤換。或遇有自行辭職者。由縣長就候補委員遞補之。第五條。本委員會管理地方款如左。(一)向屬行政機關所管之地方款如各項附加等。(二)向不屬行政機關管理。但純屬地方性質者。如賓興款等。第六條。各縣地方款歲入歲出。由委員會按照會計年度編造預算書。呈由縣長召集上列各團體代表審定。再由縣長公佈之。第七條。委員會經管之各種稅款租穀。每年由委員會議定底價佈告招人投承。包收包繳。投得人姓名住址。包繳額及担保店。須呈報縣公署備案。投承章程。由各縣自定之。第八條。各縣地方款之支出。由縣長按照預算定額核發支付命令。預算以外之臨時支出。須經縣長召集委員會委員開會議決。再行核發支付命令。委員會非奉到縣長支付命令。不得擅自發款。第九條。委員會每月五號以前。須將前月之收支款目。開列清冊。連同一切收支存根單據。呈縣查核。再由縣長公佈。以示公開。第十條。本委員會收入之地方款。未屆支用時。須存放於該會全體委員會同指定之殷實商店保管之。第十一條。本委員會委員去職時。須將經辦事務及款項列冊點交該會主席開會報告之。本縣縣長交代時。委員會須將經管收支款項數目結數列冊呈報新舊縣長查核。第十二條。本委員會得分股辦事。但對外發佈文件。須全體委員連署。第十三條。本委員會得設會計一人。書記一人。但會計經理款項者。須有三千元以上資本之商店担保。如無大商店。得以數店同担保之。第十四條。本委員會委員。每月薪俸不得過二十元。兼職者不得兼薪。會計書記月薪。由各縣自行酌定。第十五條。本委員會辦事細則。由各縣自定之。第十六條。本簡章自公佈日施行。

## 第五節 華僑協會

華僑協會瓊崖分會。由本島南洋華僑所組織。于民國十六年七月成立。會員二百七十餘人。所有會員。大抵僑居南

洋。會中事務。由常務委員辦理。會費每人年納一元。其經常費用。由臨時募集。

## 第六節 汽車聯合會

汽車聯合會。由全島公路汽車公司聯合組成。名瓊崖全屬公路汽車有限公司聯合會。於民國十三年成立。入會公司共二十二家。每月經費一百七十元。會費分甲乙丙丁四種。甲種每月收會費大洋二十元。乙種十元。丙種六元。丁種四元。設正副會長各一員。會計文牘錄事各一員。辦理日常事務。

## 第七節 婦女協會

本島女子所組織之團體。有廣東婦女協會瓊山分會。於民國十一年成立。會員共七十八人。入會費每人一元。經常費由瓊山縣公署按月撥給三十元。其組織有執委五人。并分總務宣傳調查會計遊藝五部。由各委員分任之。